

JĒĒSŌ MEESIA

CHIITO NĒ KIIWAL NG'WONY




Ne...



Bibilia: Ēn Bibiia imuuchē isoman iyē kēertooy Tōrōōrēt piik ak kiit nē itooy.

Jēēsō: Kaineetaap Wēēriitoop Tōrōōrēt nē mwoo-ēy kōlē, 'Sāru Tōrōōrēt'.

Kaayanet: m Kiiyan Tōrōōrēt ēn tuguuk che kiimwa kōlē yāyēy.



Kimurtoyoot: Kiit nē kiigigārtootēēn Jēēsō ēn chameenyiin ineegeey. Kiigōēk kiit nē kināyēēn piigoop Kristō.

Koopēruurēt: Kō tuguuk tōgōl chē māchēy kōōgoochi Tōrōōrēt icheek chē yāyēy kiit nē māchēy.



Koosipiindēt: Nē isipiy Jēēsō.

Kootuutunēēt: Kiituut Jēēsō ēn chē kiipēk. Kiituutisu chē kiipēk pēsyēēt ageenge, is kēerwooky chii age tōgol.



Kooyeyunēt: Tātuun kō lēēliitu kēy age tōgōl tuun ko iyēy Jēēsō ng'wony. Walēy Tōrōōrēt turuuriēt ak ng'wony. Ilēēliitēy Tōrōōrēt turuuriēt ak ng'wony. Laytornateetaap

Tōrōōrēt: Indēē laytornateetaap Tōrōōrēt iyē kigāsēy inee.



Malaykait: Kooyooktoo-iindēt nē mā kiigēērēy nēpo Tōrōōrēt.

Meesia: Laytoryaat ne iilaat. Meesia (Ēn Ebranik) kō mwoo-ēy kōlē kiigimwaa-ey kōōtēētoop Yunanik kōyuu Kristō.



Nyo-eetaap kaat: Nyōōchin piik kaat Tōrōōrēt, agōt indo mā indēē chiito nē misi. Nyōōchin piik kaat Tōrōōrēt nē iyan lēēluutik is imāchē waleet. Indēē nyo-eetaap kaat omu kii-op Jēēsō lēēlutikchook chē kiimisi-ēēch.

O-iindēt: Puunyootoop Tōrōōrēt ak piik nē mā kigēērēy.

Pasaka: Igoorto nē kiipwootēn kootuutunētoop Jēēsō. Kii ēn taay, kō kiigipwootēēn sāruunētoop Isra-eel ēn Misiri. Kiigiguurēēn igooroon Pasaka.

Saa-eet: Ing'alaan ak Tōrōōrēt, kō kaichakte onoon ēn kōōtēēt nē ōw is iyēpchinii iit.

Sopoondoop koēgēny: Sopēēt ēn Jēēsō ēn Tōrōōrēt kōyuu iyē kiimāktooy. Itērtēērēmee-eet is mā indēē koonding'ēt.

Tāmirmiirēt nē tiliil: Tāmirmiiriētoop Tōrōōrēt nē māchēy kōōtēp ēn oriitoop koosipkchiik.

Tēngēkto: Tuguuk chē kiyāyē chē mā māchēy Tōrōōrēt chē tērēēch kō mā kiityi tuguuk chē kiitētweēch Tōrōōrēt.

Tuuyēēt: koosipigoop Jēēsō kōōpwootēy mee-eenyiin ak kootuutunēn ēn magatiaat ak Dipa-iik.

Wēēriitoop Tōrōōrēt: Kaineetaap Jēēsō. Tōrōōrēt nē kiinyō ng'wony kōyuu chiito kō Wēēriitoop Tōrōōrēt.



PĒSYŌŌSIĒGOOP JĒĒSŌ

Inoomēy pēsyōōni kiin kēēsich Jēēsō. Kiipunootēy piik kēēlyēēk onoon kō sigirōōk, ngamiat onoon kō paraisiit. Pootooywēk chē chaang' chēpo chorunotēēt nēpo kwēēnēēt ak Togoōn nēpo Afrika kō kiitinyēy dolaisiegaap Rooma. Kiimaan kōōngēn piik che chaang' kosoman ak kōsir, pēēgō kiimuchēy piigoop Isra-eel icheek. Kiigiguurēēn icheek 'piigoop ibuguit'.

Ng'ālāānēy Tōrōōrēt ēn Bibilia. Inee nē kiīyāyēy kiit age tōgōl iskō māchēy kōēk choorweetaap chiitōgōl. Kiipoor Jēēsō ki-oon iskō maach uny.


JĒĒSŌ MEESIA KŌ NG'OO?

Kiitēp Jēēsō kēnyiisiēk 2000 chē kiisirto ēn Isra-eel. Kiiguurē Jēēsō Meesia onoon kō Jēēsō Kristō nē ipooru kōlē laytoryaat. Mā laytoryaat kityō, kiigiguurēy kōgēny 'Wēēriitoop Tōrōōrēt ak 'Wēēriitoop Chii'. Ipooru kōlē inee kō Tōrōōrēt iskō Chiito. Toongōōchitoop Jēēsō kō kiigiorōōr ēn Bibilia, toongōōch nē siing'ōōy pēsyōōsiēk tōgōl.





ISRA-EEL ĒN PĒSYŌŌSIĒGOOP JĒĒSŌ



Inganaseet nē -ow: Jērusālēm

Ēēmootinik: Galilaya, Samaria, Judea.

Ōwindo: Kilōmitaisiēk chē imuuch koit 28,000 kenyiley o-ēēny.


Ēmwoitooop ēēmēēt: Tropik nē mā nyiitaat.

Pōlootoop ēēmēēt: Koonamey kēēnyitooop 63 kōmaach kisich Kristō, kō kiipoyu Romanik piigoop Isra-eel.

Sirgaliit: Poondiō Pilatō kō kii Gapana nēpo Rooma, kiipoyu Isra-eel. Kiipoyu :poyuuniindēt Kaisari Tiberia nēpo Romanik Pilatoinoon.

Kaayaneet: Kaayaneetaap Yāudiik. Tinyēy Yaudiik kootooop Tōrōōrēt ēn Jērusālēm. Kiindēē Tiisiik chē kiiyāyēy tuguuk tōgōl chē tiinyēgeey ak kaayaneet iskō kiindēē koonēētik (chē yuu parisaa-ek) chē kiinēētēy koonēētutigoop Bibilia.

Kōōtēēt nē king'āloonēy: Ebranik (kōōtēētoop Yāudiik) Yunanik (Kōōtēēt nē ng'āloonēy ēēmootinik che chaang' ēn ng'wony, Kōōtēētoop Latina (kōōtēētoop Romanik).



Omunee si kooyumak piik chē tēēn ēn teget oinēēt?



Ōmōnōriēn omu
nyōōnēy poyunotētoop
Tōrōōrēt.





Onaam sopēēt nē lēēl.




Kay kiigepeer oyweetooop Tōrōōrēt nēpo kiirwoogēt si keetiley iroo-igoop kēētīt.



Kēētīt age tōgōl nē mā yiēy mologeenik che siing'ōō-ēēn, kēētilēy is kēēwirchi maat.

Imuuch keetildeech echeek tōgōl. Ng'oo nē imuuchēy kōōtēpi sopēēt nē siing'ōōy?

Iman! Mā indēē chii nē chiliilēēn kiirwoogētoop Tōrōōrēt pēēgō isipwoon age nē imuuchēy kowal sopēēng'woong' kōtōgōl.



Asa ōmāchē iman kowalak sopēēng'woong? Kō ainyōōn, ong'aany tēēngēkwoogikwook is opwaan apatiisanaak ēn pēēchu.





Kay kēē-undēēwook tēēngēkwoogikwook. Onam ainyōōn paani sopēēt nē lēēl.

Kuurēēn chiitōgōl āmdoo-iindēt nē indēē
oinēēt Joana koopātiisāniindēt.

Mā oo kēy anee.
Ayāchinii waakta inee
ne nyōōgōpoorwēēch
kiit nē māchēy Tōrōōrēt.
Ipātiisāniok inee ēn
Tāmirmiiriētoop Tōrōōrēt
ak maat. Ōnyōōru waleet
katōgōl.



Ak tuun...



Maktaat
ipaatisanaan
inyēē!!



Yāy inyēē kōyuu
ki-onn si kēē-itisteen
mageetaap Tōrōōrēt.



Paapa, ingōnyō
laitornateeng'uung'
is koyayak
mageeng'uung'.




Kogasak kōōtēēt
ēn turuuriēt
kōmwoo-ēy kōlē

Oo! Inyēē kō ii
Wēēriinyōōn,
āchāmiin is
āngērēkyiniin.



Kaanametaap pēsyoōsiēkchook chu chē mōnōrchin koopootiisāniindēt Joana Yāudiik agōpo nyōōnunēētoop Meesia. Kii ēēmēt nē sērpēn Israel ēn poyunotēētoop nē ōw nēpo Rooma ēn pēsyoōsiēchoon.



Kēērēykeey Yāudiik kō piik chē mā imuuchēy keey is kēēnyāliilēy icheek ēn ēēmēētoop Isra-ēēl. Konyēy icheek ōtkō kōnyō Meesia nē Sāruuniindēt nē kiigimo-ōōtēn nyōōnunēēnyiin ēn ibuuguisiēk chē yōōsēēn chēpo Yāudiik. Meesia ini kō itistoooy imandaap Tōrōōrēt.

Koong'wereer :Joana Jēēsō ēn oinēētoop jordan kōlē inee kō waarweet nē kiyāyēēn indasimeet.




Ōgēērō, ingiri waarweetaap arteet nēpo Tōrōōrēt nē i-uunēy tēēngēkwoogigoop ng'wony!



Kiin keepaatiisan Jēēsō, koomut inee Tāmirmiiriētoop Tōrōōrēt kōwo turgut.

Kiitēpi Jēēsō ēn iyoon pēsyoōsiēk 40. Kiin kōōndēē iyoon, kō ma-am kēy. Kiisoo-ēy inee si kōmōnōrchi yāyiisiēnyiin.



Si koomuuch koosulda, kō kiimaktaat kōpoorchi ng'wony māguutigoop Tōrōōrēt. Kiitet Tōrōōrēt kōlē keetyaach piik ēn mee-eet.

Koyoot :O-iindēt Jēēsō, poyuuniindēt nē mā toogu nēpo uuriiti-ēēt, nē poyunēēn ng'wony mee-eet ak yāindo.



Oo Paapa! Āyāyey kiit agetōgōl nē imāchē.

Pēēgō māchēy O-iindēt kōgoochi Jēēsō
koopwootutik che yaacheen si kō mā
yayiisiēchi Tōrōōrēt.

*Kō ōtkō iman ii Wēēriitooop
Tōrōōrēt, iwiis ko-iichu kōēk
magateenik!*


Ēēy! Kiigisir ēn
ibuuguitooop Tōrōōrēt
kōlē, “Mā sopēy chii ēn
magati-aat kityo, pēēgō
ēn ng'āleek chē mwoo-ēy
Tōrōōrēt”.



*Wiirten key ēn patay
Kootooop Tōrōōrēt ōtkō iman
ii Wēēriitooop Tōrōōrēt. Asa
ma kigisir kōlē konopiin
inyēē malaykait?*

*Kēērō! Āgōōniin
kaamuget tōgōl ēn
ng'wony nē ii kutung'woon
is i-ootaan!*

Kiin koopata choon,
kopagaach O-iindēt Jēēsō.
Kopwa malaykaisiek koolgaat
Jēēsō.



Siraat kora
kōlē, “Amayoot
Tōrōōrēt”.




Pagachaan O-iindēt!
Kigisir kōlē, “Maktaat
ke-oot is kēyāyisiēchi
Tōrōōrēt ineegeey.”





Kiinyitaat Tāmirmiiriēt nē
tiliil Jēēsō kiin kōyēyēy
Galilaya iyē kiipitunēēn.
Kiin kōwēndiy, kotesak
piik chē kiisip inee.
Kiimāchēy konay ingō
Jēēsō kō Meesia noon
kigay kosir mo-ōōtik.

Kiiyāyāksēy igoortoop koo-ito ēn Kana nē indēē
tulōōnook chē sērpēnēēn chēpo Galilaya...



Kiindēē Jēēsō aginee igooroon,
kōpooto kaameenyiin ak alak
ēn chōōrōōnōōkchiik.






Pēegō kiin
kōtēsētaay igoorto...

Kōror diva-iik!

Oyay okweek
kēy tōgōl nē
komwoowook
Jēēsō.



Onyiit tērēnichu ēchēn
pēek is ōromji nē ōw ēn
igoorto kochamjam.



Chamjam ōō!
Kaigonor diva-iik
chē siing'ōō-ēēn
kōēk chē
lētuunēēn.



Mēē kō pēek chu!
Pēegō diva-iik
chē ānyinyēēn
ōtkō!



?



Jēēsō nēpo
Nasaret nē
kāyāyēy
ng'alechu!

Kō ng'oo
inee?



Tōmō āwēndi igoorto ne yuu ni! Kōēk
peek divaa-iik! Che ānyinyēēn ōtkō!

Kapernaum kō kii laatyeeet nē kiindē kaanaasetaaap araareetaap Galilaya nē kiimēnyēy piik chē rāmēy samageenik. Kiinaamey iyu Jēēsō kong'alaaney laytornateetaap Tōrōōrēt.



Pētērō,
ingegeet mēliit
ēn oinēt iyē
lōōwēch pēēk
si owiirte
netisiekwook.

Kii iyu nē tēngēlēēn
koosipikchiik che taay.



Laitoryaat,
kay kiigiilkeey
kwēēmoo-oot kōtēēn
ki-oon iskō maay
kisich kēy.



Kō omu kay imwaay...



Wōōt! Mā āyāni!




Jakōbō! Joana!
Opwaan iyu! Ma
kipe õt kērāmu
samageenik chē
tēen chu!



Pagachaan
Kiptayaat! Oy
kiptēngēki-oot.

Mā imwēy Pētērō!



Osipwoon!




Opwan ősipwoon. Oyāyook
ōēgu roomigoop piik.



Kiirutēchi Jēēsō pātooywēk tōgōl chēpo Galilaya kōōndēē ak kosipichiik. Kiineet piik tōgōl agōpo Laytornateetaap Tōrōōrēt. Kiisooop myonwoogik tōgōl is ko-oon uurōōnōōk chē yaacheen. Kiing'āsyonji inee piik is kōōsip. Kiipunu alak ēēmootinik alak ak alak kō kiipunu Jērusālēm inganaseet nē ōw nēpo Isra-ēēl. Kiigāsēy kēy age tōgōl nē kamwa inee.




Ipēruurooti icheek chē -amēy rupeet, omu tātuun kōpiyoonyēy.




Ipēruurooti icheek chē mā tinyēy ng'eregeet omu tātuun kiigāygoō-ē icheek.




Ōpēruurooti okweek chē wēchook piik agōpo anee. Ōng'ērēkyēn omu mēlēktong'woong nē indēē turuuriēt kō ōw.







Yāchiin piik alak
kōyuu iyē ōmāktoo-ii
kēyāywook ak okweek.




Inee nē kēērēy tyeepoosa
is komach kogay koyay
tēngēkto ēn mugulēldanyiin.




Ōmō iimegeey tuun. Ocheeng'
kondo laytornateetaap Tōrōōrēt
si kōōsiptēē tuguuk alak.




Ocham puunikwook is
ōsoochinii.




Koong'da kō lāpāyēētoop
pōōrto. Iyoon siing'ōōy
koong'da, kōōndēē aginee
pōōrto lāpāyēēt. Kō ōt koya
koong'da iindēē uuriityēēt.



Oyay tuguuchu koomwoowook si
ōyuu-iitu chiito nē tēēchēy
kaanyiin ēn patay koita. Nē
maach oyay kōyuu nii, ōyuu-iitu
ak chiito nē tēēchēy
kaanyiin ēn patay ng'wēnyēnyēēk.




Oyay che miach kōmāgēērēy
piik kō maach opaartegeey
ēn taayitaap piik.



Mā indēē chii nē imuuchēy kō
yāyiisiēchi mogorēēk o-ēēny,
imuuch iyāyiisiēchi ageenge
kityō, Tōrōōrēt ineegeey onoon
kō mogornotōōsiēk icheegeey.

Pēsýēēt ageenge kō kiigaiyumak piik ēn ko nē kiindēē Jēēsō ēn inganaseetaap Kapernaum.

Mā imuugāksēy kēchut orit.



Kiichuutisi kōpun patay ko ak itōōktonyiin nē mā tin.



Indēē nē iyoon?

Opagaach icheek! Chamanichoon kō tinyēy kaayaneet nē ōw.



Kay kēnyō-uun kaat tēngēēkwoogiiguk.

Imuuktooy anō komwa kōyuu noon?




Chupēy Tōrōōrēt!


Tōrōōrēt ineegeey nē imuuchēy konyogaat tēngēēkwoogik.

Ainon nē usus kemwa, kēelē kay kēnyō-uun kaat tēngēēkwoogik onoon kosuun is iwē?



Tinyēy Mēesia kaamuget kōnyōōchigaat tēngēēkwoogiik iskō āmuuchē amwa ālē “Kwoyuun itōōktong'uung' is iiwē”.





Ng'āsyonuutik!


Iman kay osop!

Ōgēero kay kōwēēndoot!

Mā chiitōgōl nē kiing'ērēkyi tuguuk che kiyay Jēēsō.



Kiiriip koondōo-igoop Yāudiim Jēēsō kōgēer ingōriipēy pēsyeētoop Sapato. Kōlēēnji “Ingiri chiito nē me-aat ē-uut. Asa chamdaat kēēsoop ēn pēsyoōni?”



Iitēn ē-uung'uung'!



Machey kepar Jēēsō!

Maktaat kēēmwoochi koondōo-iigoop Jērusālēm kōlē kay kōōpēēt ēēmēēt chiichi.




Kay āsop!



Kiin kochang'a piik, kōmang'da Jēēsō ak koosipikchiik is kopa kōpun mēēliit nē sērpēn ēn ooinēētoop Galilaya.





Kiptayaat sār wēech!
Kāgimiisēēchi pēēk!




Omunee si ōmwēyē? Indēē ano kaayaneeng'woong'







Indēē chii nē tinyēy uurōōnōk
che yaacheen nē mēnyēy
tulōnōōk.



Inee!
Wōōt ais!

Oinoon nyōōnēy!



Oo, Jēēsō!



Opagaach
chiichoōn okweek
urōōnōōk che
yaacheen!


Imāgoon
nee oō Jēēsō
Wēēriitooop
Tōrōōrēt nē
tōrōōr?





Kiguurēēn
nee?


Kiguuroon
lugēēt omu
kiichaang'.

Chāmweēch kēchut
tōōrōōchuun.


Opa!







Āmwoowook oolē mā yāyēy Wēēriit ineegeey kēy age tōgōl. Yāyēy kiit nē komwoochi kwaanda. Māmāchē ayay kiit nē āmāchē pēēgō mageetaap kwaandanyōōn nē kiiyookwoon.



Kiimach kōwēndi Jēēsō iyē mā indē chii si kosa.




Kiin kosa Jēēsō ot koech, kōtengel koosipkchiik taman ak o-ēēny. Kōyookto o-ēēny o-ēēny is kōōgoochi kaamuget ko-oon uurōōnōōk che yaacheen is kōsoop chē myāndōōs.



Chē tuupcho Pētērō ak Andreea...




Chē tuupcho Jakōpō ak Joana...



Pilip ak Nathaniel...

Tomas ak Matayo nē kii
kwooyiindētoop Kōōdi nēpo
Roomanik...



Tatayo ak Jakōbō age...



Saimon nē kiigolkol ak
Judas Iskariot.



Opa! Age tōgōl nē kataachaak
kō kataachan anee, kō nē
kataachan anee kō kataach
inee nē kiiyookwoon.



Chang' kēsutik kō tuchupo chē
kēsēy. Ōsoom Kiptayaat nēpo imbareet
si kōyookto kēsiik chē chang' si
koomuch kēsiisyēt.



Kiiyēy chē kiiyooktooy
taman ak o-ēēny kō kay
konay age tōgōl kiin
nē yāyēy. Kiin koopata
choon, komach Jēēsō kopa
ak icheek iyē mā indēē
chii, pēēgō ma mach piik
kopagaach icheek.

Kiitestaay Jēēsō koamda is kōsoop chē myāndōs. Kiigay kō imēn.

Pilip, sigēēn ano
pichu tōgōl āmdit?
Ōgoochin okweek
amdit age tōgōl.

Indēē laakweet iyu nē
tinyēy magateenik muut ak
samageenik o-ēēny, choon
kityō.


Ōgoochin piik kōōtēpoot
ēn kaayumeetaap
tāmanda-iik muut.

Ropisiēgoop āroo-ēk sisiit kō
mā yāmēy keepayey pichu!

Kōmwoochi Jēēsō
Kōōngōy Tōrōōrēt.

Kotestaay kopche-aat
magateenik ak
samageenik.

Kēpay piik elipuusiek kiin kotes Jēēsō āmdit.



Ōngēgoochin kōēk
laytoriat!



Ni ainyōōn Mēesia noon
kiigigonyēy kōnyō!

Ōgēērō! Kong'ēt
mōtōgo-iik tamanu
ak o-ēēny!



Kay koyam kopa pichu koriikchuwaak. Olany
okweek mēēlit o-aite. Āng'ētu anee ēn tulweet
iyu si asa.





Indēē piik alak chē māchēy
 kōtōrōōr Jēēsō kōēk
 laytoryaat. Ipwootēy icheek
 kōlē ēn kandooynameenyiin,
 kētērtēērēy
 kandooynameetaap Romanik.
 Kochang'a kōgēny chē mā
 māchēy Jēēsō. Agōt kiin
 kōtoorēt piik, kōōpwootēy
 koondōō-ik kōlē putēy
 ng'ātuutik. Kiimāchēy
 kōsirgeey ak piik si kepar.




Kiptayaat, ko
 iitu iyu oyu?

Ōchēēng'oon
 agōpo
 magateenichoon
 kii-āgōōnook?

Asa imuuktooy ano
 kōgōōnēch pōōronyiin
 si keam?

Perpernateet!



Amo iimgeey agōpo āmdit
 nē pusēy, pēēgō o-iimgeey
 agōpo āmdit nē mā pēgu
 chēpo koēgēny.



Anee magatiataap sopoondo.
 Pōōrtonyōōn nē kiigoytooy
 agōpo sopoondoop ng'wony.



Ongeepe!

Kēnēy piik tōgōl
 chiichi.



Māmāchē ak
 okweek ope?

Kiptayaat, kipēēndi kaap ng'oo?
 Ng'aleguuk kō po sopoondoop koēgēny.




Ēn saang' ēn nganaseetaap Jērusālēm, kō kiigipārēy piik saa-it age tōgōl. Kiigi-uuytooy icheek, piruutik chē ng'wānēn chēpo Romanik.



Ōtkō māchēy chii kōōsipwoon, kō pagaach māguutikchik, ko la kimurtooyoonyiin is kōōsipwoon.

Inee nē sāru sopēēnyiin ineegeey, kōōpēētēy, kō nē ipēētēy sopēēnyiin agōpo anee, kō sāru.



Maktaat inay ilē indēē Tōrōōrēt ageenge kityō.



Nē siirēy tōgōl kō icham Tōrōōrēng'ung' ēn mugulēldong'ung' tōgōl, is icham piik alak kōyuu iyōōn ichāmdoo-ii keey inyēē.



Ēn Isra-ēēl, piik chē tinyēy myānwoogigoop magateet
kō kiigigēērēy kō mā tiliilēch kōōsipkeey ak ng'āuutik.
Kiigitāpānēy icheek si mā tuuyo ak chii.



Kiiguursēy icheek ēn iyēt age
tōgōl iyē kapa si keenay kēēlē
kay koit.

**Ōgēērgēey! Chē
myāndōōs.**



Jēēsō Riireech!






Opa
opaartengeey
ēn kaap tiisiik!



Ilē kaap tiisiik?
Kōgēerēech?

Si kēesopchēen?



? !



Ōgēerō! Kay
kiisopoon!



Kay
kēesopchē!

Kay amuuch
āwo!



Alleluya! Myēy
Tōrōrēt!
Kōngōy ōtkō!



Kiigisoop piik taman, mā
ii? Indēē ano alak sogolu?
Omunee si maach iyēy
kōmwoochi kōngōy Tōrōrēt?



Kosuun! Maach isoopin
kaayaneng'uung' pēgō
kay kōsāruun kōgēny.

Kiiyookto koondōo-igoop
Yāudiik chēpo Jērusālēm
sēgēē-iik kōsipoot Jēēsō
si kōnay iyē wēēndiy.
Kiimāchēy si konam
inee ēn tuguuk chē
kiimwoo-ēy.

Kiindēē Jēēsō ak piik chē tinyēy otēpēt ne ya kōyuu
chēpkugoonik, kwooyigoop koodi chēpo Romanik.

Kiinyo Meesia si kōsār
chē kiigōpētyo.

Kiisop Jēēsō chē myoondōōs
ēn pēsyeētoop Sapaatō nē
maan ko chamdaat keyay kēy.

Ingēsoopin!

Kiichāmēy inee
loogōōk otkō.

Opagaach loogōōk kōpwoonjon.
Laytornateetaap Tōrōōrēt kōpo
icheek chēyuu loogōōchu.

Kiiguur :Jēēsō icheek kopa Bethania, tōtētēē nē kiinēēgit ak Jērusālēm. Kiimyāniy Lasaro, kiindēē inee ak chētupcho Marita ak Maaria chē kii chōōrōōnōōgoop Jēēsō. Kiin koit Jēēsō Bethania kēmwoochi kēlēē kiigay kēētup Lasaaro pēsyoōsiēk ang'wan chē kigay koopata.



Kiptayaat, indo kiindēē iyu, tōōs maay me nē ātuupchē.



Ituutu nē ituupchē Marita.



Ēē āngēn ālē ituutu pēsyoōtoop kootuutunēēt, pēsyoōtoop lēt.



Anee kootuutunēēt ak sopoondo. Nē iyāni-oon kōsopēy. Asa iyāni kōyuu noon oō Marita?



Ēē Kiptayaat. Āyāni anee ālē ii Meesia, Wēēriitoop Tōrōōrēt, inee nē nyōōnēy ng'wony.



Kootupchi ano?

Kiptayaat nyōōn kēērō!





Ōgēērō iyē
kiichāmdooy
inee.

Kō omunee maan kō
tēērēy mee-eetaap
Lasaaro?



Kiigiitoo-ēēn chē kopēk angeet is keyayta ēn
kirēēriitooop kōywēēk.

Ōistēēn koita!



Kiptayaat, Nguutooy. Kay
kotar pēsyōōsyēk ang'wan.

Ōgēērē ra
tōrōōrnotēētoop
Tōrōōrēt.



Paapa, āyāyē kōyuu kii si
kooyan icheek chē indēē iyu
kōlē inyēē nē kiiyookwoon.




**Lasaaro,
māng'uun!**



Otyaach is
opagaach kōwo.

Kii-oroogēnso koondō-igoop Jērusālēm
agōpo Jēēsō ak koosipikchiik.



Yāyēy ng'āsyonuutik che
chaang' chiichoon otkō.

Nē kipagaach kotestaay
nng'aleechu, kōrwookwēech
Romanik!

Putēy Kootoop Tōrōōrēt
nēnyoon ak ēēmēenyoon.



Ōngoomiitun! Kaigay kome
chiito ageenge agōpo ēēmēt
kōsiir kēput ēēmēt tōgōl.



Noon omunee si
maktaat kome Jēēsō!




Koonaamey pēsyoōnoon,
kocheeng' koondō-igoop
Yāudiik iyē nāmēēn Jēēsō
si kōōgoochi Yāudiik chē
kii icheegeey chē kiitinyē
kaamugetaap kopar
chiito.

Kiin kōōndēē Jēēsō Betania...



Maaria!



Mwaan kō po
ooli-ēēt nē ōw!



Koto kiāldooy
is kēēgoochi
ropiisiechoon
kipānānōōk!




Pagaach tyeepoosaani
Judas. Kagoiley pōōronyōōnn
mwaita nē ng'uu kōmōnōrchi
pōōronyōōn kēētupēy.



Kiinēēgit koit igoortoop Pasaka.
Kiiruutooy piik che chaang' kōpēēndiy
Jērusālēm.



Kōwo Jēēsō inganaseetaap
Jērusālēm agōt kiin kōtētēy
koondō-ik konam inee.






Kiigitaach inee ēn ng'eregeet nē ōw.

Hosana!

Hosana!




Ipēruuroot inee nē nyōōnēy ēn kaineetaap Kiptayaat!

Laytoryaataap Isra-ēēl!




Indo iingēn Jērusālēm kiit nē kiitooy kēētoochēy myēindo, pēēgō moomāchē.



Kiyay nee paani ne yayak kōyuu nii?

Isipiy inee ng'wony kōtēēn ki-oon!

Kootop Tōrōrēt nē indēē
nganaseet nē ōw kō kii
toloitaap kaayaneetaap
Yāudiik.



Ēn igoortoop Pasaka, kō
kiigiyēenyēy waareegaap
artōōk.



Kiigiyēenyēy ēn Egaluut si
kō-uundo tēngēekwoogigoop
Tōrōrēt.



Kō kōnuunōōtiēt ainōōn
nēpo waarweet nē
imuuchēy kōō-uundo
tēngēekwoogigoop piik?




Ēn saang nēpo Egaluut kō
kiialdoo-isyēy piik.



Kōmāngji Jēēsō
ēn iyon.







Kootoop Tōrōōrēt kō maktaat kōēk kootoop saa-ee koponēitooop chōōriik!



Kigay koya-iit inee pēēgō kiiyan piik tuguuk tōgōl chē kiimwoo-ēy.



Ēn iman, ōt kēēsich kaatyaat keepar chiichi.




Iskō mā pēsyeētoop
igoortoop sapaato. Mā
kimāchē turugēnēēt ēn
pēsyeētoop igoortoop
Pasaka.

Ōgōōnoon che ti-aan nē
āgōōnook Jēēsō?

Noon kō Judas,
ageenge ēn
koosipikchiik.

Ot keerich inee,
kēēnāmē si keepar.



Āgōōnook Jēēsō.

Kiigōōniin nusuusiēk 30 kiit
ko igōōnēēch Jēēsō, kiit nē
tēēn ropisiēk chē kiālēēn
ōtwoogiindēt.



Āmdēechin :Jēēsō piik
ēn kootoop Tōrōōrēt kiin
kōtōōmo koit pēsyeētoop
Pasaka, agōt ingandaan
kiiyēētēēn koondō-igoop
Yāudiik.



Ēn lang'atunoon po pēsyoōnoon, kō
kiituuytōōs ēn inganaseet Jēēsō ak
koosipikchiik 12 si koam igoortoop Pasaka.







Māchēy icheek poyuunik
 kō yāyisiēchi alak kōēk
 ōtwoogik, pēgō okweek kō
 omooyay kōyuu noon. Ēgu
 koondōōiindēng'woong' inee
 ōtwoogiindētoop piik tōgōl.

Ōtwoogiindētoop
 piik tōgōl nē ēgu
 koondōō-iindēng'woong'.



Kii-amach ōtkō kee-am
 Pasaka-ini tōgōl kōtōōmo
 keendisyanan.



Āndēē anee
 kwēēnēng'woong' kō
 ooch ōtwoogiindēt.



Kiptayaat, i-uunwoon kēēlyēēk kōyuu ōtwoogiindēt? Ēēy! Mā i-i-uunoon!

Pētērō, ōtkō maach ā-uunuun kēēlyēēk, kō mā iich nēnyōōn.



Kiptayaat, i-uunwoon aa, mā kēēlyēēk kityō, pēēgō agōt ē-uunēk ak mētīt.

Chiito nē poot kō koi-uun keey kō i-uunēy kēēlyēēk kityō.



Ōmwoo-ē kōmyēēy inōōguuroon anee Kiptayaat ak koonēētiindēt. Kōyuu inoo-uunwook kēēlyēēk, o-ot alak kōyuu kiit nē kiayāywook aganee.



Ng'wēktooyion ageenge ēn okweek.


Mā anee, mā ii?

Ēē-ēy!



Judas, yay kiit nē imāchē iyay ichookyi.






Oyay kōyuu kii si opwaataan.



Oam magati-aani, omu ni kō pōorTonyōn.


Ōt kōōndēē chāmyēēt kwēēnēēng'woong', kōnoyēy piik tōgōl kōlē oōch kosiipiikchōōk.



Oyee-een kigombaani, omu koorootiikchōōk chē kituumdooy agōpo okweek. Omu kii, kō kay koyay Tōrōōrēt kooyoosiinyēt nē lēēl ak okweek.



Āgōōnook okweek ng'ātuutiēt nē lēēl, ochoomyē kōyuu inachamaak anee.



Kiptayaat iyēt agetōgōl nē iwēēndii is ogooytoo-ii sopēēnyōn agōpo inyēē.

Kōmwoochi :Jēēsō Pētērō kōlēēnji, ii-ēēsooyoon kipsōmōk, kōtwēēgu kuguuit.

Ēn lang'atinaan, kiin kōpēēndiin ēn ingasaanaan Jēēsō
ak kosiipiikchiik, kō maan kōndēē Judaas tōgol.

Kapagaachaak anee, kō si kōōyookwook
PaapanToorētiok inee is kōōndēē ak
okweek otagay.

Ōngēn okweek waakta
nē wēēndin iyoon
āwēēndii.

Anee kō ooch waakta, iman
ak sopoondo. Mā indēē chii
nē nyōōnēy kaap Paapa
kopaatey ēn anee kityō.

Ōtēpootēn ēn iyu,
kaanaaktē tapan si asa.

Paapa, ōt kōōmuugoksēy,
istēēwoon nyalili.

Kō
ingōyuu-iit
kiit nē
imāktōo-ii
inyēē, mā
ilēēn kiit nē
āmāktōo-ii
anee.



Imuugoksēy ōruuyē paani?
Ōgosuun! Kay koit inee noon po
kōng'wēktooyi-oon!



Onam inee nē
āng'utuutē.



I-amunee
Kiptayaat.

Judas, omunee si
ing'wektaa-e Meesia
kaang'utuuet.



Kiptayaat,
kiārēērēnji?




Ēē-ēy,
opagaach!



Kiiyan :Jēēsō koomut icheek.
Kolāpootio koosipikchiik kooseerak.

Kiigimut Jēēsō kaap Tisiindēt nē ōw, nē ōw ēn koondō-ik tōgōl
chēpo Yāudiik. Kōōsip Pētērō ak Joana pēēgō ēn iyē lōōw.



Kōchut Pētērō pēēyutoop kootoop
Tisiindēt nē ōw.



Maan iindēē inyēē
ak inee?



Ēē-ēy! Moongēn agōt
anee chiichoon.

Mā ii ageenge ēn
icheek?



Ēēy! Moongēn!

Āngēn kōsiing'ōōy ālē ko indēē
iyoon! Ii Galilaya-iindēt.



Moongēn agōt
kiit nē imwoo-ē.



Ēn saa-inoon,
kōtwēk jogoo.



Kōtisip :Jēēsō Pētēro.



Ng'oor aa paani
ilē ng'oo nē
kokwērin?



Kiin ko-eech, /kēēmuti Jēēsō tuuyēētoop koondō-igoop
Yāudiik. Kōtēpsēy Tiisiindēt nē ōw Jēēsō.

Inyēē kō ii Wēēriitoop Tōrōōrēt?

Kay omwaay.
Oo, anee noon.



Kaagōyuyosiniēy keyy
Tōrōōrēt! Maktaat kome.
Opagaach kōōrwookyī Romanik.

/Keemut Jēēsō taayitaap koondōo-iindēt nē ōw nēpo Rooma, Pilato. Kōōsur tuuyēētoop koondōoigoop Yāudiik piik chē kiindēē iyon. Komwa icheek tuguuk che chang' che yaacheen agōpo inee.



Imwoo-ē nee inyēē agōpo ng'aleechu tōgōl kay / keemwayta-een? Mā imwoo-ē kēy?



Maach ānyōrchi chiichi lēēluutyēt age tōgōl. Kay koit igooroop Pasaka. Ng'oo nē aatyaach, Barabaas onoon Laytoriataap Yāudiik?



Nee nē kaiyay?

Kii-ānyōn anee siapa-oorian imanda.



Imanda kō nee?





Baraba!

Baraba!



Kō ōmāchē aita nee
Jēēsō ini?

Uuytēn!


Iyēgeey
laitoryaat!

Ōt iityaakte, kō mā ii
choorweetaap Kaisari.



Kay kiityaachin nē kata
inee.

Keetyaakta Baraba. Kiigoginyōrchi inee
lēēluutyēētoop pāriisiēt nēpo pōlotēt.




..., 37, 38, 39!



Mā isipion
koorootiikchik.




Kiyēēchiin ee
Laytoryataap
Yāudiik!





Kotil kirwoogēt Pilaatō kōlē
maktaat kolaa-at Jēēsō kimurtoyoot
ēn wookwēegoop Jērusalēm
kōgēerotēy piik.



Kiindēe iyē kiiuuytoēēn piik
sang' ēn isuundaisyeegaap
inganasaan. Kiiguurēēn
Golgota, ni kō kogile
Rōkyēētoop Mētīt ēn kōtēētoop
Kiiriik.






Ēn patay kimurtoyoot kogiisir
ēn kutisyēēk sōmōk ng'aleek,
chē mwoo-ēy kōlē, "JĒĒSŌ KŌ
LAITORYAATAAP YĀUDIĪK."



Kii-ēēso JĒĒSŌ dipa-iik chē
istooy ng'woniindo.



Kōpir tēērōōk
isigariik si konay nē
ōpēy oguro-iikchiik.



Ēē! Mā kiisār alak?

Ōtkō ii Wēēriitooop Tōrōōrēt ii
rēgu ēn kimurtoyoot.



Mā imuē agōt Tōrōōrēt?
Kāy kēēsich echeek kiit nē
ko misi-ēēch, kō chiichi kō
mā indēē kiit nē kayay.

Sāruun keyy
inyēēgēēy is
isār wēēch ak
echeek!



Tuun ipwaataan kōgoichut
poyuunotēēng'uung'.

Āmwoo-uun nēpo iman
ālē kiindēē tuwaay ra ēn
Paradiso.



Ēn saa-it lo nēpo pēēt,
kōtuluugēn asiista is kō-uuriit
ēēmēēt.



Kiitōōnōōnēy Maaria kaameetaap
Jēēsō ak koosipiindēnyiin Joana
ēn iyē nēēgit ak kimurtoyoot.

Kōēgu okweek
kaameet ak Wēēriit.



Tōrōōrēnyōōn,
Tōrōōrēnyōōn, kalyaan
si ipagachaan?



Kataran
rōōng! ēēt?



Paapa, koondēn
sopoondonyōōn
ē-iinēguuk.



Kay kōpēk!

Kiime Jēēsō saa-it sogool nēpo pēēt. Kolumey karaastanyiin āsigāriindēt tengeet, kōroong'oon koorootiik ak pēēk.



Mwoo-ēy ibuguu-isiēk kōlē,
“/Kiigiimut kōyuu waarweetaap
artōōk kepa keyeeny”.



/Kiigindisyaan agōpo
tēngēēkwoogiikchook is
kēēpar.



Asa Meesia ini nē
kiigānyēy onoon mā inee?



Ōngeepe keeteep
/ingēēyānwēēch
kepe keyayteen.



Kōōrēēk Josēp nēpo Arimatea ak Nikodemas
pōōrtoop Jēēsō ēn kimurtoyoot. Kota-eeey angeet is
kopa koyaaaita ēn kirēēriit nē kiipoolji koponēito.



Kiin koopata Sabaatō, kopa
tyēpōosook chē kiiriirtōs
iyoon po kirēēriit.



Kiigay /keenaagista
koita ēn kirēēriit.

Omunee si ōchēēng'ē chiito nē
sopēy ēn kwēēnēētoop piik chē
kiigōpēk? Kay kōōtuut. Opa
ōmwoochin koosipikchiik.




Kiin kogas ng'aleechan,
kōmirirēso Pētērō ak
Joana ōt koit kirēēriit.



Nēē nē
kayayak?

Mā indēē kēy
kirēēriit!






Ēn imbareet nē
kiigeyem kiirēēriit...



Tyeepoosaani, iriirchini
nee? Ichēēng'ē ng'oo?



Kiptayaat, kay
ii-oop ii?



Maaria!




Koonēētiindēt!



Ma inamaan, uuy
mwoochiin chē
otuupchē iile, kaayeey
kaap Paapa, nē
kwaandang'uung'
āk inyēē, kaap
Tōrōōrēnyōōn is kō
Tōrōōrēng'woong'.

Pēsyōnoon, kō kiindēē waakta koosipikchiik chē kigay komēēyo mugulēlwēēk, kōnyōōr chiito nē kiwēēndil tōgōl agōpo pareetaap Jēēsō.

Kaagaa mōōyāni tuguuk chē kiimwa mo-ōōtik ii? Mā kiimaktaat kiindisyaan Meesia si kōchut tōrōōrnotēēnyiin? Kigay keesir ēn ibuguu-isiēk. Tugul chē kiigisir kō agōpo inee.



Kipageenge kiin kō āmiisiēy, kōsē to-oot.

Inee kō ko Jēēsō ineendet!



Kopa kōsārchi kocheeng'aat koosipik alak chēpo Jēēsō.


Kay kēgēēr Kiptayaat!

Kay kōgēēr aginee Maaria ak Pētērō!



Kipaageenge...

Āmākwook myēē-into!





Asa mōōyāni oōlē anee nii? Ōgēēr ē-iinēkchōōk ak kēēlyēēkchōōk.




Kiptayaanyōōn ak Tōrōōrēnyōōn!



Kōmāng'uunji :Jēēsō
koosipikchiik kiin
koopata pēsyoōsiēk
40. Kiimāng'uunji agōt
piik 500 kipageenge.
Ēn pēsyeēt ageenge, kō
kiirāmēy samageenik ēn
araareetaap Galilaya.





Pētērō, asa
ichāmoon
ii?



Kotepey Jēēsō ki-oon
Pētērō kipsōmōk.



Oo kiptayaat,
ilē iingēn iilē
ochoomiin.

Riip oortōkchook.



Isiipoon!

Kay kēegōōnān kaamuuet tōgōl ēn
ng'wony ak turuuret. Kō ainyōōn,
āyooktook oope ēēmootinik tōgōl,
ōō-āmdēechinootē piik kōēk
koosipikchōōk, opaatiisan icheek ēn
kayneetaap Kwaanda, ak Wēēriit, ak
Tāmirmiiryēt nē Tiliil, is oneet icheek
kōgoonyit ng'ātuutik tōgōl chē kii
aneetaak.



Onay ōlē, kiindēē tōgōl pēsyoōsyēk tōgōl,
ōt koit koonding'ēētoop ng'wony.

Kiin kotar Jēēsō
kōmwoo-ēy ki-oon,
kēēmut inee kōwo
turuuriet. Kiimwa kōlē
tātuun kōōyēēyu kōgēny
si kōōrwookyī piik tōgōl.

Kiigany inee koosipikchiik ēn Jērusālēm ēn saa-eet. Kiin koopata pēsyoōsyēk muutu ēn pēsyeētoop Pēntēgōōs, / keenyiit icheek Tāmirmiiriētoop Tōrōōrēt, Tāmirmiiriēt nē tiliil. Tāmirmiirionoon nē kiindēē oriitoop Jēēsō, kōōndēē paani ēn orinyuwaan. Ēgu koosipikchiik pa-ooriiniikchik is kōgāsēy piik che chaang'.

Maach imuuch :mee-eet kōtēēr Jēēsō. Kiigēt :Tōrōōrēt ēn mee-eet. Kiyay inee :Tōrōōrēt kōēk Kiptayaataap Kiptaya-iisiek.



Kiipa koosipigoop Jēēsō ōldo tōgōl ēn ng'wony agōt indo kiindēē usiisyēt.

Jēēsō kō Wēēriitoop Tōrōōrēt!




Kiigimwaitaat lōgōōywēchu miach kōgēny ēn paalaleenik.

Kii-op tēēngēkwoogikchook ēn pōōrtonyiin inee kiin kome ēn kimurtoyoot. Noon omunee si kēēpēguunēn tēngēkto kō koonamey paani is kotestaay, kētēpiē kōyuu kiit nē māktōoy Tōrōōrēt.



Ēn paani, kōōyumāksēy koosipigoop Jēēsō ēn ng'wony kōtēēn ki-oon si kosa. Āmēy magatyaat is koye dipa-iik si kopwaat mee-eetaap Jēēsō. Pchēēy icheek chāmyēētoop Tōrōōrēt nē indēē sponowēkchuwaak ak laatyeenyuwaan.

Kiigōmuuktēēchi
Jēēsō piik koo-iitista
māguutigooṗ Tōrōōrēt.



Chāmook Tōrōōrēt!
Ōmwoochin kōōngōy is
ōōgutunji inee.



Kiicham Tōrōōrēt ng'wony kōmiēy
ōt kōyook Wēēriinyiin nē ineegeey,
age tōgōl nē iyāniy inee, kō mā pētēy
pēēgō nyōōru sopoondoop kooykēny.

WILLEM DE VINK

BIBILIA

Toongōochitoop Jēēsō kō kaapwaatet ēn Bibilia. Mā indēē ibuguit age nē kiigesooman is kēēsōmāniy paani kipchechaang' kōsiir Bibilia. Ibuguit nē kiinyiy ibuguisiēk. Kitar kēnyiisiēk 1500 si keesir ibuguisiēchu tōgōl. Kiigiroogis kēēsirēy Bibilia kēnyiisiēk 1900 chē kiigōsiirto. Indēē toongōochik chē terter agōpo iyē kiing'āng'dageey Tōrōōrēt ēn sopēētoop piik. Ēn toongōochētoop Jēēsō kōōpooru kōlē Tōrōōrēt kō ng'oo.


TOONGŌŌCHIITOOP JĒĒSŌ

Tinyēy Bibilia ibuguisiēk 4 chē orooru agōpo sopēētoop Jēēsō. Kiguurēēn ibuguisiēchoon kāinuutigoop icheek chē kiisirēy. Siiriik tōgōl kō kiindēē pēsyoōsyēgoop Jēēsō.

1. Mataayo - Koosipiindētoop Jēēsō. Kii kwoyiindētoop kōōdi. Kii-ārōōr inee tuguuk chē kiiyāchi piigoop isra-eel Jēēsō.

2. Marikō - Kiita kō sērpēn kiin kōyāyiisiē Jēēsō. Kiisir tuguuk tuchuupo ōtkō agōpo ng'āsyonuutik che kiiyay Jēēsō.

3. Luka - Kii Legitaari. Kiimaan kōōngēngeey ak Jēēsō. Ārōōru Luuka tuguuk chē kiiyāchi :Jēēsō piik.



4. Joana - Kii koosipiindētoop Jēēsō. Ipooru inee kōlē Jēēsō kō ng'oo. Jēēsō kō Tōrōōrēt nē ityoochēy piik ēn tēngēkto.

SIGĒĒTOOP JĒĒSŌ

Maaria kaameetaap JĒĒSŌ, kō kiitōōmo keemut kiin kēēsichēy JĒĒSŌ. Kii paasaneet inee. Kiigatet Tōrōōrēt sigĒĒtoop JĒĒSŌ.

Kiimwaita-aat ng'; asyonuutionoon ēn ibuguisēgoop kēny kōtōōmo kēsich JĒĒSŌ. Maay kisich JĒĒSŌ kōēk ne maany onoon kō chiito nēpo koomonuut. Kiigisich ēn ng'ootweetoop tuuga omu kiiimaan kōta kōōndēē iyē kiitēpēēn ēn ko.

NG'AYONUUTIGOOP JĒĒSŌ

Kiiyay JĒĒSŌ ng'āsyonuutik che chaang'. Mwoo-ēy Bibilia agōpo piik chē kiigisoop konyiley 40. Ēn ng'āsyonuutiēt, kō kiipoor JĒĒSŌ kaamugetaap Tōrōōrēt ak choomyēēnyiin. Kiipoor kōlē māchēy Tōrōōrēt kōtoorēt piik is kōng'ēērēkyo.



MEE-EETAAP JĒĒSŌ AK KOOTUUTUNĒĒNYIIN



Omunee si kome Jēēsō? Kiigiārōōr ēn Bibilia.

Lēēlēy piik tōgōl ēn ōkay tōgōl. Tuguuk chē mā ing'ēērēēgisīy Tōrōōrēt is koonereegis inee. Kiguurēēn tuguuchoon tēngēkto. Yēētēy tēngēkto ōēgu chōōrōōnōōk ak Tōrōōrēt.

Noon omunee si kōnyō Jēēsō. Ēn mageenyiin ineegeey, kō kiōp Jēēsō pirēētoop tēngēkwoogikchook, pirēēt nē kii mee-eet. Konaamey kiin kome Jēēsō agōpo echeek, kēēmuuch kēēguun chōōrōōnōōk ak Tōrōōrēt kōgēny. Maktaat kēēsoom nyo-eetaap kaat ēn lēēluutikchook chē kiigiyay.

Kiituut Jēēsō ēn mee-eet. Kōōtuutis Tōrōōrēt kōgēny. Agōpo ki-on, kōōpoorwēēch Tōrōōrēt kōlē tinyēy kaamuugēt nē ōw agōt kōsiir mee-eet. Indēē Jēēsō ak Tōrōōrēt. Kō omu sopēy, kō imuchēy kōēk choorweenyoon saa-iit age tōgōl. Māchēy kōgēēr kōlē kogitēp ēn waakta nē ing'ēērēēgisīy Tōrōōrēt.

SAA-EET

Ōt imāchē isoom nyoo-eetaap kaat ēn lēēluutik che kiiyaya is imāchē iēgu choorweetaap Tōrōōrēt, imuuch isaay iilē:

“Tōrōōrēt nēpo choomyēt, ichāmoon.

Kiiyoogu Jēēsō, Wēēriing'uung' nē ineegeey.

Si kome ēn Kimurtoyoot agōpo tēngēkwoogikchōōk tōgōl chē kiayay.

Āsoomē inyōōwoon kaat lēēluutik chē kiiyay, nyōōwoon kaat.

Kōōngōy omu indēē Jēēsō kōpootoon.

Āmāchē āpunjiin kotagay.

Āsoomē itoorētoon ootēp kōyuu iyē imāktoo-ii inyēē.

Si iindēē kōpootoon saa-iisyek tōgōl.

Kōōngōy omu kay iwālwoon saa-eenyōōn.

Iyāyē inyēē kōyuu ēn kooyomiisēng'uung'.”

JĒSŌ AK INYĒĒ

Tinyēi tongoochiitooop tareet nē toogu. Kii-ēk Jēēs-o choorweetaap piik che chaang ēn kēny agut paani. Kiigowiisaak ng'wony. Mē kopuunot;ey piik che chaang' sigirōōk onoo kō parasiisyek pēēgō puunēy kariisyek ak indēgēisyēk. Pēēgō mā kēy kii-oon ēn Jēēsō, imuuchēy kōnēēkiityēēch kōyuu kiin kōwēēndotēy ēn Jērusalēm. Māchēy kōēk chorweeng'uung' raa. Imuuchēy iiyēpchiin iit kiit nē mwooēy intaach korya ichaam.


Asa imoochēy inay ng'aleek chēpo Jēēsō ak kiit nē yuu sopēēnyiin kiit kagiiyaan inee? Kō imuuchē iyay ng'aleechu;

Inaam inyēē isooman Ibugitooop Tōrōōrēt

Imuuchēy inaame isooman kōyu ibuguit nē kiisirēy Luka.

Kōtōōmo inaam igaan isaay Ng'āloonjin is iyēēpchi iit kiit nē mwoowuun. Mwoochiin ng'aleekchan chē itiinyēy.

Ong'alaaneen ak piik alak ng'aleegaap Jēēsō ak Ibugitooop Tōrōōrēt. Mochēy Jēēsō kōsiipikchiik kōtuuitōōs si kocheer keyy kōtēēn kogaineet keyy ng'aleekchiik.



Tēēpuutik

Tēēpuutik

• Pēchiisyēgoop tēēpuutik: (Ibuguit nē kiigii-uun):

1. Ingiri kay kōnyō Jēēsō (p.1-3)(Mat 3:1-17)

• Omunee si kōgaiyumak piik ēn tegeet oinēēt?

• Nee nē kiimwoochi :Joana piik koyay kogānyēy poyuunotēētoop Tōrōōrēt?

• Pēchiisyēgoop tēēpuutik: (Ibuguit nē kiigii-uun):

2. Orēērēt nē mā toogu (p.4-5)(Mat 4:1-12)

• Anō nē kiimuut :Tamirmiiryēt nē tiliil Jēēsō kiin kōgay keepaatiisan?

• Nee nē kiiyay Jēēsō kiin kōōndēē turgut?

• Kiita nee ingōyōōtēy O-iindēt Jēēsō?

• Kiiyay nee Jēēsō kiin koyoot O-iindēt?

• Pēchiisyēgoop tēēpuutik: (Ibuguit nē kiigii-uun):

3. Igoortoop koomutisiēt ēn Kana (p.6-7)(Joa 2:1-11)

• Omunee si kōwo Jēēsō Kana?

• Ng'āsyānuutiēt ainōōn nē kiiyay Jēēsō ēn Kana?

• Pēchiisyēgoop tēēpuutik: (Ibuguit nē kiigii-uun):

4. Ōōsipwoon! (p.8-9)(Mat 4:12-22)

• Nee nē kiimwoochi Jēēsō Pētērō koyay? Nee nē kiiyayak kiin kooyan Pētērō koyay?

• Nyōōn isipwoon si ayayin ōēgu roomiigoop piik. Iito-ii nee imutuunjini piik Kristō?

• Pēchiisyēgoop tēēpuutik: (Ibuguit nē kiigii-uun):

5. koopēruurōōsyēk (p.10-11)(Mat 5:1-16)

• Tuun sichēy pērur nee icheek choon kiindisyoonēy is kēwēchēy agōpo poyuunotēētoop Tōrōōrēt?

• Nee nē kiito-ii puunikchook?

• Pēchiisyēgoop tēēpuutik: (Ibuguit nē kiigii-uun):

6. Kay kōsop! (p.12-13)(Luk 5:17-25, 6:6-11)

• Nee nē siing'ōōy nē kiinēētēgeey chōōrōōnōōgoop chiito nē miāniy?

• Mwaay tuguuk o-ēēny chēpo koomānuutiēt chē kiiyāchi :Jēēsō chiito nē kiimiāniy?

• Pēchiisyēgoop tēēpuutik: (Ibuguit nē kiigii-uun):

7. Kōōndēē mēēliit ak Jēēsō (p.14-15)(Mat 8:23-27)

• Tiriitindo ainōōn nē kiinyōōr koosipigoop Jēēsō kiin kōōndēē mwēēngētoop pēēk?

• Nee nē kiiyay Jēēsō si kotar tiriitinoon iskō nee nē ka-iiineet keey agōpo kaamuugetaap Jēēsō?

Pēchiisyēgoop tēēpuutik: (Ibuguit nē kiigii-uun):

8. Katyaaknateet ēn kamuugetaap o-iindēt (p.16-17)(Mar 5:1-20)

• Ng'oo nē kiisuwa :icheek kiin koit ng'ooty-o-in po o-ēēny ēn araareet? Nee nē kiiyāchi icheek :Jēēsō?

• Nee nē kiimwoochii Jēēsō chiichoon koyay?

• Pēchiisyēgoop tēēpuutik: (Ibuguit nē kiigii-uun):

9. Kiit nē maktaat keeyay (p.18-19)(Mat 9:35-10:4)

• Anō nē kiiwo :Jēēsō kōsaa-ēy? Nee nē siing'oōy nē iinēētēgeey ēn ng'aleechu?

• Pēchiisyēgoop tēēpuutik: (Ibuguit nē kiigii-uun):

10. Kōōnu :Jēēsō koyam (p.20-21)(Joa 6:1-15)

• Nee nē kiiyay :Jēēsō si kōōpoor kōlē kiiriirey piik?

• Pēchiisyēgoop tēēpuutik: (Ibuguit nē kiigii-uun):

11. Iyan onoon iiwē (p.22-24)(Mat 14:22-33, Joa 6:22-40, 60-69)

• Kilyaan si koonam kōōmiisēēchi pēēk Pētērō?

• Kiin kotepey Jēēsō koosipikchiik ōtkō mā pēēndin agicheek, ko kiiwāl kōlē nee? Inēētēgeey nee agopo ki-oon?

• Pēchiisyēgoop tēēpuutik: (Ibuguit nē kiigii-uun):

12. Laa kimurtooyoong'uung' (p.25)(Mat 16:13-28)

• Kiin kotepey Jēēsō koosipikchiik kōlē mwoo-ēy icheek kōlē ng'oo inee, ko kiiwal icheek kōlē nee?

• Nee ne kiimwa Jeeso kole maktaat koyay icheek che tatuun koosipiy inee?

• Pēchiisyēgoop tēēpuutik: (Ibuguit nē kiigii-uun):

13. Pir kōōngōy (p.26-27)(Luk 17:11-19)

• Ng'oo noon kiisoomēy Jeeso kōōsoop icheek?

• Nee nē mächēy Tōrōrēt keeyay iyon kaiyanwēēch soo-uutikchook?

• Pēchiisyēgoop tēēpuutik: (Ibuguit nē kiigii-uun):

14. Yuu-iitun laakweet (p.28)(Luk 19:1-10, Mat 19:13-15)

• Omunee si kōōgōochi koondōō-igoop Yāudiik ōtwoogiindēnyiin kōōsip Jēēsō?

• Pēchiisyēgoop tēēpuutik: (Ibuguit nē kiigii-uun):

15. Igoitooy sopēēt :Jēēsō (p.29-30)(Joa 11:17-44)

• Toos kiimwa nee Jēēsō kiin komwa kōlē inee kootuutunēt ak sopoondo?

• Pēchiisyēgoop tēēpuutik: (Ibuguit nē kiigii-uun):

16. Maktaat komee (p.31-31)(Joa 11:45-54)

• Ng'oo noon kiituutis Jēēsō?

• Omunee si kōnērēēkyi koondōō-igoop Yāudiik Jēēsō ak koosipikchiik?

• Pēchiisyēgoop tēēpuutik: (Ibuguit nē kiigii-uun):

17. Kēēgoonyiit Jēēsō (p.32-32)(Joa 12:1-11)

• Tōōs kiimwa Jēēsō kōlē yāyēy nee Maria kiin kōroong'jin inee kēēlyēēkchiik mwaita?

Pēchiisyēgoop tēēpuutik: (Ibuguit nē kiigii-uun):

18. Poyuniindēt nē taala (p.33-34)(Luk 19:29-44)

- Omunee si kopun Jēēsō sigiri-ēēt kiin kōchutēy Jērusālēm?
- Tōōs waarweet ainōōn nē i-uunēy tēngēēkwoogikchook?
- Pēchiisyēgoop tēēpuutik: (Ibuguit nē kiigii-uun):

19. Kootililēt nē ōw (p.35-36)(Luk 19:45-48)

- Omunee si kōnērēēkyi :piik Jēēsō kiin kōchut Kootoop Tōrōōrēt?
- Pēchiisyēgoop tēēpuutik: (Ibuguit nē kiigii-uun):

20. Ng'wēktā-iisyēēt (p.37-38)(Mat 26:14-19)

- Ng'oo nē kiiyumiy ropisiek is kong'wekta Jēēsō?
- Pēchiisyēgoop tēēpuutik: (Ibuguit nē kiigii-uun):

21. Ko-uunētoop kēēlyēēk (p.39-40)(Joa 13:1-35)

- Omunee si kōpo koomonuut igoortoop Pasaka?
- Nee nē kiimwoo-ēy Jēēsō kiin komwa kōlē inee nē ōtwoogiindēt kōēgu mogori-oot?
- Pēchiisyēgoop tēēpuutik: (Ibuguit nē kiigii-uun):

22. Kootuuyēēt (p.41)(Mat 26:26-30, Joa 13:34-38)

- Nee ne kiimwoo-ey Jeeso kiin komwa kole ni ko pooronyoon ak divaiichu ko koorootikchook? ne otwoogiindet koegu mogori-oot?
- Nee nē kiimwa Jēēsō kōlē maktaat koyay koosipik si kōōpoor kōlē icheek kō koosipikchik chēpo iman?
- Pēchiisyēgoop tēēpuutik: (Ibuguit nē kiigii-uun):

23. Kēēnāmēy (p.42-43)(Joa 14:1-31, Mat 26:36-56)

- Nee ne kiile Jēēsō igochin icheek Kwaandanyiin?
- Nee ne kiimwa Jeeso kiin komwa kole, <Anee waakta, imanda ak sopoondo>?
- Pēchiisyēgoop tēēpuutik: (Ibuguit nē kiigii-uun):

24. Kiirwoogēt (p.44-45)(Mat 26:57-75)

- Ng'oo nē kii-ēēsyo kōlē mā ingēn Jēēsō
- Nee ne imuuch koyay kooyāniindēt si kō-ēēsyo Jēēsō?
- Pēchiisyēgoop tēēpuutik: (Ibuguit nē kiigii-uun):

25. Kēētiljin mee-eet (p.46-47)(Mat 27:11-30, Joa 18:28-40)

- Kiiyayak nee si keenam Jēēsō?
- Pēchiisyēgoop tēēpuutik: (Ibuguit nē kiigii-uun):

26. Kimurtoyoot (p.48)(Joa 19:1-18)

- Nee nē kiisoom Jēēsō Kwaandanyiin koyāchi icheek che kii-uuytooy inee?
- Nee nē kiinēētēgeey ēn iyu?
- Pēchiisyēgoop tēēpuutik: (Ibuguit nē kiigii-uun):

27. Chuupoot (p.49)(Mat 27:3-10, Luk 23:32-34)

- Ng'oo ne kiing'wekta Jēēsō agōpo ropisiek?

• Pēchiisyēgoop tēēpuutik: (Ibuguit nē kiigii-uun):

28. Kōmēē-ēēy Jēēsō (p.50-51)(Luk 23:32-46, Mat 27:46-50, Joa 19:25-30)

• Ainōōn ēn chōōriik nē kiiyoomis Jēēsō kōlē tātuun kōōndēē paradiso iskō omunee?

• Pēchiisyēgoop tēēpuutik: (Ibuguit nē kiigii-uun):

29. Kēē-uitooy Jēēsō (p.52)(Joa 19:31-42)

• Nee ng'ali-oot nepo let ne kiimwa Jeeso kiin komee-eeey?

• Pēchiisyēgoop tēēpuutik: (Ibuguit nē kiigii-uun):

30. Soopēy Jēēsō (p.53-54)(Mar 16:1-9, Joa 20:1-18)

• Kiin kopa tyēpōsōōk kori-aam kirēēriit ēn pēsyēētoop sōmōk kō kiimwoochi nee malaykait?

• Pēchiisyēgoop tēēpuutik: (Ibuguit nē kiigii-uun):

31. Kiindēē ak Jēēsō (p.55)(Luk 24:13-43, Joa 20:19-29)

• Kiimwoochi nee :Jeeso Maaria kiin komangji inee?

• Pēchiisyēgoop tēēpuutik: (Ibuguit nē kiigii-uun):

32. Kay kōpek, “Anee ne taay!” (p.56-57)(Joa 21:1-19, Mat 28:16-20)

• Nee nē kiimwoochi Jēēsō Pētērō ak koosipik alak koyay?

• Pēchiisyēgoop tēēpuutik: (Ibuguit nē kiigii-uun):

33. Pa-ooryaat (p.58)(Yay 2:22-39)

• Kiin kooyumak koosipik is kosa, ko nee nē kiigoochi Tōrōōrēt?

• Pēchiisyēgoop tēēpuutik: (Ibuguit nē kiigii-uun):

34. Nēēgiit Tōrōōrēt (p.59)(Epe. 1:1-15)

• Nee ne ipooru kōlē chāmēy Tōrōōrēt ng'wony?

Siiruutchu ak chōroonuutchu kōpo: Willem de Vink.

Copyright © 1993 Stichting Wereldtaal, Houten, The Netherlands.

Published in Dutch as “Jezus Messias”.

Edition in Okiek (Kenya) © 2022

Digital copyright under the terms of the Creative Commons BY-SA license

All rights of translation, reproduction and adaptation reserved for all countries.

e-mail: jmpbk.app@gmail.com

https://www.jesumessiahcomicmedia.com/kenya

*JĒSŌ MEESIA. Ni kō toongōochiitoo iman iman nēpo Jēēsō Meesia.
Kiimēnyēy Jēēsō ēn pēsyošyēēk konaamēy in kopaat kēnyiisyēēk 2000 ēn
kēny. Piik chē kiinyōōr kogiing'oosyonji. Mo indēē chiito nē kii kay koyay
ng'aleek chē kiyay. Mo indēē chiito nē kigay komwaa ng'alēē chē kiimwa.
Kiiyayaak ng'oosyoonuut ēn iyē kiindēē Jēēsō is kong'ereekis ōtkō piik
chaam kōyēēpchi iit.*



*Kōōtēēt: Ogiek (Kenya)
Language: Okiek (Kenya)
ISBN: 978-94-93178-91-5*